

灌縣鄉土志

昆明志 339

100280.25

1295

部=102

鑿
目
出
心
士
士
出
心

後附圖考

敬儀署面

光緒丁未季秋
新鑄板存卷四

灌縣鄉土志叙

志鄉土者非爲鄉土志爲蒙學志也易曰山下出泉蒙又曰蒙以養正鄉土志者蓋取山下出泉之義泉必始於山而後能達於海學必始於鄉土而後可通於天下中國教法莫備三代隋唐而降古義寢微矣延宋明以逮今日士之習爲帖括者往往域於淺近讀經不求之實踐閱史不徵諸實用但以供章句記誦而已一旦釋褐所學非所用所用非所學甚有叩以鄉土之里至與夫山川扼塞古今興革民風物產舉茫然而不知者嚮使童而習之何至出門一無所見乎方今

國家維新教育通飭各省編纂鄉土志彙送京師編訂成書發還本土灌縣鄉土志

序

以備蒙學教科之選誠見夫人當年齡方穉心思智慮如樹初芽必迎其機而導之俾熟悉鄉土情形然後再授以中國及五大部洲之輿圖歷史自不至茫然如煙海此鄉土志之作所以撮邑乘之精華而爲蒙學之津梁者也灌縣鄉土志前署縣鍾君已延聘邑紳徐价民高節皆二君纂修成帙謀付梨棗遽卸任而去今歲夏余奉

命調權斯土都人士呈將原彙請爲刊印余乃取全帖閱之其體制條目一遵部章或畧邑志所詳或詳邑志所畧或增補邑志所無遇有於新學相發明者尤闡揚不遺餘力因畧爲刪潤詞必簡潔曉暢童蒙能解然則斯志也其有關於邑人學界前途者甚鉅且

遠是可無言乎爰書數語弁諸首速付手民既嘉鍾前任與高徐
二君之熱心哀輯且喜都人士樂與余共襄厥成也時光緒丁未
秋七月滇南伯垂何廷璐敘於青城官署

部頒鄉土志例目 節錄

奏定學堂章程所列初等小學堂學科於歷史則講鄉土之大端故事及本地古先名人之事實地理則講鄉土之道里建置及本地先賢之祠廟遺蹟等類於格致則講鄉土之動物植物礦物凡關於日用所必需者使知其作用及名稱蓋以幼穉之知識遽求高深之理想勢必鑿柄難入惟鄉土之事爲耳所習聞目所常見雖街談巷論一山一水一木一石平時供兒童之嬉戲者一經指點皆成學問其引人入勝之法無踰此者故必有鄉土志然後可以授課海內甚廣守令至多言人人殊慮或龐雜用是擬撰例目以爲程式

灌縣鄉土志

卷之一例目

五

共十五門

歷史

政績錄

兵事錄

耆舊錄

人類

戶口

氏族

宗教

實業

地理

山

水

道路

物產

商務

古人著書必有凡例所以著其立言之本意與章法篇法之次第及部分之先後其間可以任意為出入一切馳驟縱橫隨其意之所到以暢其著述之旨而已鄉土志不列凡例者以有部頒例目先後次第既有準繩其他升降棄取皆有一定之法事

詳而文簡詞雅而意明而不可以私心為之所謂以前人之事實為後學之感勸者是已苟稍有差池即與例目齟齬不惟不足以列教科又何以答 部命而呈 憲司前邑尊鍾聘請徐介民高節皆兩先生照例目編纂歷半載者成未梓初學無以授課今因刻布邑中各學堂師範以是為之講說庶幾少年得所啟發成人亦有典型漸以底於大成蔚為 國器斯一邑之光也

灌縣高等小學堂收支員 申之翰 跋

灌縣鄉土志

會理州學正同治癸酉科舉人徐 昱照輯

候銓教諭光緒庚子 恩貢生高履和協纂

字節皆



歷史

灌縣明洪武初改灌州置屬成都府 本朝仍之

未置灌縣以前禹貢屬梁州岷山導江禹蹟所經秦惠王伐蜀置蜀郡治為湔江無有州縣名漢為綿虜郫江原三縣地蜀漢置都安縣宋齊梁升為汶山郡以都安縣隸之齊分設齊基縣宇文時改齊基為青城降郡為縣隋廢汶山都安兩縣入郫以青城屬蜀郡唐初於治東置盤龍縣治為鎮靜軍武德初改盤龍為導江與

灌縣鄉土志

卷之一

歷史上冊

一

青城俱屬益州垂拱初以導江屬彭州開元十八年更青城為青城五代王蜀改治為灌州以導江青城屬之宋乾德四年改灌州為永安軍太平興國三年又更名熙甯旋改永康軍隸以導江青城宋末元兵三破成都縣治被兵尤酷元既主中國總計一軍兩縣纔八百戶遂併導江青城及軍地更名灌州屬成都路

政績錄

周末杜宇稱帝號曰望帝會有水災其相開明決玉壘山以除水害

秦孝文王時張儀薦李冰知天文地理秦以冰為蜀守冰行部至

湔山謂汶山為天彭門見兩山對如闕因號天彭闕時有沫水之

害沫水者冰壅江作壩以避之號曰湔堰一名都安堰一名百丈

堰一名犍尾堰又曰金隄於時鑿離堆穿二江過郡下以行舟船

坐致材木功省用饒灌溉三郡開稻田由是蜀沃野千里號為陸

海稱曰天府又以作堰之法約為六字刻石以範圍後人曰深淘

灘低作堰崖次刻石為則盈一尺至十而止水及六則流始足用

過則從侍郎堰減水河而洩於南江舊有石馬埋灘下凡穿淘必以離堆石記為準西於玉女房下白沙郵作三石人立水中以厭水怪外作石犀五頭及石牛不一自縣至郡皆有之用以鎮水或曰冰鑿崖時水神怒而功不就冰乃操刀入水刺之冰有子二郎實佐其功父子皆屢朝祀典血食千秋

漢文帝末年以盧江文翁名為蜀守穿湔江口即羊摩江灌溉繁

田千七百頃

崔瑗後漢書瑗字伯玉涿郡人早孤好學舉茂才鍾旼良吏傳瑗

為灌令開溝利民民頌之曰天降神明君賜我仁慈父臨民有德

澤恩惠施以序開溝廣溉灌決渠作甘雨

蜀志諸葛武侯北伐以都江堰爲農本國之所資調丁千二百主護之有堰官

董和字幼宰爲江原長蜀土富實時俗奢侈婚姻送葬傾家竭產和躬率以儉防遏踰僭爲之軌制民俗以移

唐班宏舊唐書班宏汲人劍南判官青城山有妖賊張安居以左道惑衆事覺多誣引大將冀以緩死宏驗理而速殺之人心乃安冉實字茂實河南人除導江令仁愛簡易閭境相歡張說稱之爲子產蔡遵

宋史宗室趙不忌字仁仲登進士第歷成都轉運判官歲治都江堰吏盜金減役堰不固而圯民田失水故歲屢饑不忌躬操版築

繩吏以法乃出令民業耕者田主貸之事末作者富民賑之老幼病患者官爲鬻視全活數百家

俞汝尚烏程人以進士知導江廉明清望草除積弊爲趙抃所推重

虞剛簡字子韶允文孫知永康奏免評事橋夫役除數十年繁百姓喜出望外爲立生祠於橋西

都江堰爲成都水利治蜀者無不以爲要務唐之高士廉白敏中宋之張詠無不從事於堰而咸守李公舊法至於元堰乃不治民益重困

元初李秉彝行部至灌留心堰法繼有趙世延文詞浩瀚兼負經

濟敷歷省臺五十餘年爲四川肅政廉訪使修治都江堰民亦以爲便至元初吉當普爲廉訪僉事以歲修之煩創爲鐵龜用石包砌爲門以時啟閉謂可經久揭後斯蜀堰碑記甚詳史亦載之
明初知縣胡光復循吉當普之遺登之以石貫以鐵錠鐵柱功費二十五萬三千有奇未幾即壞

正德間水利僉事盧翊專意修濬得秦人舊蹟織竹籠石以復歲修之制費廉工省刻有治水記云漢晉以來率法李公唐宋相承世言其利鐵龜糜費幾千萬緡曾未幾何輒震盪湮沒茫無可賴民受其困予竊少之

嘉靖間水利僉事阮朝東撰有李公祠碑記大要謂李公篋石之

法相聯力重且能泄水不與水敵所以可恃吉胡二公包砌巨石鑄以生鐵所費不貲水漲輒墮財費而患不免懼好事者猶執前說以勞民故弁及之以告來者

未幾有僉事施千祥創爲鐵牛鐵板以當堰口學使陳鑿侍郎高韶均有鐵牛記

萬厯間巡按郭公令增造丈餘鐵柱三十以障水欲圖永逸有陳文燭都江堰記以上諸公非不勞心民瘼勤懇特至而卒難持久者以是見李公深淘低作之法誠千古不易矣

國朝諸制府之殫心都江堰者順治中巡撫高公民瞻暨司道首府捐金修築時獻亂初平修鑿久廢蜀民始獲耕種

繼之者修公鳳彩雇募洵作議復歲修

康熙辛酉杭公受請帑修鑿水復故道公有復濬離堆碑記及丙戌夏山水泛溢決壞諸堰冲沒沿河諸邑城郭田舍巡撫熊公泰復築人字三泊洞太平各隄水患始息

先是每歲修築費出民間照田攤派多有不均雍正五年憲公德巡撫四川奏請後遂無畸輕畸重積弊爲之一清

乾隆元年 恩旨修堰工費撥給帑金俾免各州縣攤捐銀兩而外江石牛黑石等堰以在都江堰上游前漏未報六年滿州碩公色奏歸都江堰工程併支公項永免捐派萬民利賴

同治四年水災墮堰崇公實以四川將軍署總督據情入 告民

荷撫郵

由是頻年被水歲修不敷矣公棠委員勘估酌加工銀或萬餘或數千兩不等堰工以備民田賴之

同治以來沙石淤塞江底高幾盈丈水與地平灌溉雖不缺而氾濫可憂光緒三年丁公寶楨請帑大修輕騎減從躬冒霜雪沿江督率深淘及秦石馬而止一律廓清厥功甚偉沙石堆成淺山小阜爲前此所未見隄堰皆登以大石鐵錠聯扣貫以灰油功費十萬有奇勦其役者爲縣令陸葆德五月朔水漲數丈冲刷寶瓶口大隄仍照舊補砌石籠民田濡足水漲而無害

丁公帥蜀六年關心堰務無歲不躬親履勘忘其勞瘁然近年水

勢異於往昔雖加意疏濬旋復淤塞遷延至今江高水駛夏日泛漲有似黃河決口之虞以致下游農田往往失水當道諸公咸費躊躇良由水性變更不循故道也、

水利同知修濬專職父老流傳前後可紀者乾隆間滕兆榮汪松承重刊崖際水則卧鐵河底以示淘灘之準鳳棲窩三泊洞皆有之道光間強望泰措辦堰工區畫盡善嘗謂上游分水淘沙則內外取平各派暢流籠石則提防必固歷任八次旱澇無憂二十餘年民慶安瀾前後所未有也後此之宋兆熊亦實心任事夫役無敢欺者、

國朝知縣乾隆初西征之役李雲繡直隸進士政尚平恕雖有差

徭民不知兵、

繼有嘉慶者滿洲人明於聽斷奸猾斂跡建武廟修城垣創立書院此公署任僅半載今將二百年父老稱頌不絕

王宓山西進士輕徭省刑案無留獄培修文廟捐銀三千二百有奇、

四十一年孫天甯奉天舉人重新文廟創修縣志凡有詞訟奸偽立剖民不敢欺、

嘉慶改元會稽徐鼎惠育士民訟無久稽官聲遠播白蓮教匪相戒不入其境、

李桂林道光元年由庶常改官教養兼施士民樂從先是岷江書

院在東門外武廟側今藥王宮地近逼囂塵房舍傾圮謀遷之縣署北隅暇時親爲講學課藝科舉益盛

周因培嚴明廉正遇事敢爲城東南隅舊有文塔明末毀於水國朝百餘年來邑士無捷南宮者道光庚寅年創建奎光塔高二十八丈乙未甲辰高溥董文炳相繼成進士

劉伯英裁革流差弊政民頌其德

蔡成輅道光十八年大饑發倉勸糶賑濟流離全活無算

英啟摧除強梁督練團勇滇匪亦畏其鋒

楊若黻愛士如珍聽斷廉明陳案未結捐俸勸息

柳宗芳課士如師興設義學修玉壘關補築城垣遺愛在人

錢璋堰決江溢力任補苴不避勞怨亦不易得

胡圻同治甲戌歲逐散山匪請減捐輸聽斷明決民受其惠

陸葆德精熟邊務強暴潛踪勦辦丁文誠堰工規模開展不憚勤

劬捐建南橋四千餘金摘奸發伏尤其餘事

王宮午邑多伏莽尋踪緝捕無能逃者津捐欠款七八年積至數

萬概請豁免民無賠累又捐募賠修太平玉帶二橋

莊裕筠監修堰工深悉源委屢任水利洵濬得宜繼權縣事強暴

歛跡

陳偉勛抑強扶善地方以靖厚資同鄉尤屬難能

王瑚寬平慈惠民無賢不肖不敢爲非聞其將去任父老詣憲轅

怨留者數千人

灌縣鄉土志

卷之一

政績錄上冊

八

兵事錄

蜀漢延熙十年汶山平康夷反後主以姜維討平之兵出都安至維州

晉太始十年汶山白馬夷恣縱掠諸種刺史皇甫晏出討五月軍至都安屯觀坂今縣治西爲牙門將張宏等所戕抄掠都安百姓蜀郡何攀詣洛訴晏忠孝而宏惡逆乃斬宏等益州平

晉太康時關隴流民入蜀爲亂攻掠州縣李雄殺汶川太守陳圖據郫城蜀民流離野無煙火唯涪陵民千餘家在江西依青城山處士范賢自守所謂長生保青城八百里者也既而賊無所掠士卒饑困使人求軍糧於長生長生助之軍復振攻陷成都據之僭

灌縣鄉土志

卷之一

兵事錄上冊

九

號四十餘年

永甯元年三月汶山羌反於都安之天弋山遣王敦討之殺數千人

唐南詔寇邛州定邊節度使竇滂棄州走導江民入玉壘關以避寇

導江縣開元中置木瓜戍三奇戍於縣西貞元中韋皋使鎮靜軍使陳泊統兵出三奇戍伐吐番

永貞元年劉闢阻兵以高崇文充行營節度使討之八戰皆捷師無留行闢西走欲入吐番崇文遣高霞寓追之及於羊灌田戍闢投江擒於涌湍中蜀平檻送京師斬於獨柳樹下

乾符中柳君慶爲節度押衙青城鎮邊使晉源賊帥韓珠攻陷青城及諸草市柳領所部救陶壩鎮爲賊所困兵力不均被害莫不痛惜。

宋乾德四年王全斌平蜀縱部下掠子女奪財物蜀人苦之詔優給蜀兵赴汴全斌復滅其裝錢蜀兵憤怨思亂至綿州果叛衆十餘萬脅文州刺史全師雄爲帥師雄有威惠士卒畏服全斌遣朱光緒往撫光緒滅師雄族納其愛女師雄怒遂無歸志開府置僚分據灌口導江郫新繁等縣川東北民皆起兵應師雄崔彥進高彥暉等分道進討爲師雄所敗彥暉戰死於導江師雄勢益張全斌退保成都時城中降兵未遣者二萬七千全斌慮其應賊誘至夾城坑之又遣張延翰等出戰皆敗會劉延讓曹彬破師雄於新繁師雄還保郫不利走保灌口碧全斌復敗之於灌口師雄奔金堂病死帝使丁德裕分兵招集賊衆乃平。

太宗淳化三年青城王小波作亂時蜀人務兼併民多貧困小波聚衆且云吾疾貧富不均今爲爾均之貧者爭附遂攻青神掠彭山殺縣令齊元振實其腹以錢由是旁邑響應賊黨數萬人四年冬天雪西山都巡檢使張玘與小波戰於江原射中小波額已而爲小波所殺小波亦以瘡死其黨推小波妻弟李順爲帥分據永康導江及成都州縣五年春成都官屬郭載等出奔梓州順入據成都僭號蜀王四出攻掠兩川州縣多失守帝遣王繼恩分路進

討破賊十萬衆復成都

理宗端平嘉熙間北兵屢入蜀州縣多殘破寶佑六年蒙古謀南侵由西蜀先入以規荆湖二月以阿答胡將兵陷成都有重兵守永康招降威茂諸番至是元兵三破成都躡蹠蜀民幾無孑遺導江青城卽毀於其時

〔明天啟時奢崇明反圍成都望援甚急知縣左重雲南舉人丰標卓偉矜尙名節聞警慷慨榜示所部選練壯士肅隊鼓行出不意以援省城敗賊於城下次日復戰賊稍卻重奮勇力追賊乃釋圍接戰力竭馬蹶罵賊而死賊圍及冬濠涸城危巡撫朱燦元決都江堰水至濠滿賊阻凡百有二日而圍解

崇禎十七年獻賊圍城都郵令趙嘉璋奉檄至灌縣壅水護郡城賊尋至執嘉璋於堰次殺之安家口入據灌縣決內江以淹成都國朝乾隆初金川之役置糧臺於灌縣開闢三險崖後鑿壁連梯以通輿馬而便糧運安設青雲營守備並寨子粉灘兩汛

咸豐九年滇匪藍大順李短搭分擾川疆十年六月藍逆窺邛州游騎及於灌境縣令英啟督團勇禦之武舉任三元頗有殺獲已而賊踞元通場三元因前日之勝謂賊可乘因與孫玉藻萬景春等率衆逕進至鴛鴦竹伏起陣亡時賊氣銳擁衆數萬欲渡江而北制府崇公調諸軍圍勦灌温邛崇各團勇沿江扼紮賊不得渡諸軍練圍擊更迭不休八月旣望進逼賊巢遂突圍奔丹稜九月